

Sarkina Bt Mat Saad @ Shaari

From: Unit Komunikasi Korporat
Sent: Thursday, March 7, 2019 9:23 AM
To: UUM - All Staff; UUM - All Students
Subject: Simposium Fokus Perkembangan Acara, Pesta Dan Keraian



Unit Komunikasi Korporat
CORPORATE COMMUNICATION UNIT
Universiti Utara Malaysia

7 MAC 2019 / 30 JAMADILAKHIR 1440H
=====

"UUM : UNIVERSITI PENGURUSAN TERKEMUKA"
(*THE EMINENT MANAGEMENT UNIVERSITY*)

Berita dan gambar: Pusat Pengajian Pengurusan Pelancongan, Hospitaliti dan Acara (STHEM)

SIMPOSIUM FOKUS PERKEMBANGAN ACARA, PESTA DAN KERAIAN



UUM ONLINE: Pulau Pinang - Bagi menjadikan budaya balik kampung sebagai amalan masyarakat di negara ini, Unit Penyelidikan Pengurusan Acara, Pusat Pengajian Pengurusan Pelancongan, Hospitaliti dan Acara (STHEM) telah menganjurkan 1st International Symposium on Festivals and Celebrations di Georgetown, baru-baru ini.

Ketua Penyelidik Pengurusan Pelancongan, Hospitaliti dan Acara, Prof. Emeritus Dato' Dr. Abdul Kadir Lebai Din berkata, simposium yang julung kali diadakan itu menfokuskan kepada perkembangan acara, pesta dan keraian dalam kalangan masyarakat berbilang bangsa di Malaysia.

Menurutnya, simposium itu juga berjaya mengumpul lebih 40 kertas kerja yang dibentangkan ahli akademik, pelajar pasca siswazah dan penyelidik.

"Simposium ini telah membuka ruang dan peluang kepada peserta untuk berbincang tentang budaya balik kampung sebagai nilai sepunya dalam kalangan rakyat di negara ini, khususnya dan dunia amnya.

"Ia juga memberi ruang kepada mereka yang datang dari pelbagai latar belakang untuk berkongsi idea tentang sambutan perayaan di dalam kelompok ahli keluarga dan masyarakat, selaras dengan usaha ke arah perpaduan negara seperti yang dinyatakan dalam Transformasi Nasional 2050 (TN50)," katanya.

Simposium tersebut turut mendapat kerjasama Sustainable Tourism Research Cluster, Universiti Sains Malaysia (USM) dan Local Knowledge Secretariat, USM.

Beliau berkata, penganjuran simposium itu juga penting sebagai satu platform untuk mengukuhkan kedudukan sektor pelancongan dan hospitaliti negara, di samping mempromosikan STHM dan UUM sebagai institusi pendidikan awam yang tersohor dalam bidang pengurusan pelancongan, hospitaliti dan acara.

Menurutnya, simposium selama sehari itu membuktikan kemampuan STHM dalam menjalinkan hubungan kerjasama dengan USM dalam usaha untuk menggalakkan rakan atau perkongsian pintar.

Katanya, beliau berharap simposium itu dapat memberi paradigma baru kepada bidang acara di Malaysia dalam mendokumentasikan pemikiran mengenai amalan balik kampung melalui penerbitan prosiding yang sebahagiannya akan diterbitkan dalam jurnal dan buku sebagai rujukan para pemikir industri dan akademik.

Dalam simposium itu, Prof. Emeritus Dr. Muhammad Haji Salleh telah menyampaikan ucapan selamat dan hadir sama Ketua Sustainable Tourism Research Cluster, USM, Prof. Dr. Badaruddin Mohamed.



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.